



Na osnovu člana 40. Zakona o javnim preduzećima u Federaciji Bosne i Hercegovine („Sl. novine Federacije BiH“ broj: 8/05, 81/08, 22/09 i 109/12), člana 62. tačka 6. Statuta Javnog preduzeća Elektroprivreda Bosne i Hercegovine d.d.- Sarajevo (prečišćeni tekst), broj: NO-2190/21 - 41/2. od 25.01.2021. godine, a na osnovu Odluke Uprave Društva o prijedlogu raspodjele dobiti za 2020. godinu, broj: U-01-5515/21-79/7 od 18.02.2021. godine, uz Mišljenje Nadzornog odbora, broj: NO – 5846/21-47./2.5. od 25.02. godine i Mišljenje Odbora za reviziju, broj: OR-20571/2021 od 28.06. 2021. godine, Sedamdeseta (redovna) Skupština Javnog preduzeća Elektroprivreda Bosne i Hercegovine d.d. - Sarajevo, održana 30.07.2021. godine, donijela je

**ODLUKU**  
**o raspodjeli dobiti ostvarene u 2020. godinu**

**Član 1.**

Dobit Javnog preduzeća Elektroprivreda Bosne i Hercegovine d.d. - Sarajevo (u daljem tekstu: Društvo), koja je utvrđena u revidiranim finansijskim izvještajima za 2020. godinu u iznosu od 7.249.260 KM, raspoređuje se kako slijedi:

R/b	OPIS	IZNOS
1.	Za isplatu dividendi dioničarima	4.750.354 KM
2.	Fond rezervi	2.498.906 KM
<b>UKUPNO</b>		<b>7.249.260 KM</b>

Na iznos isplate dividende iz tačke 1. saglasnost je dalo i Federalno ministarstvo finansija svojim aktom broj: 08-45-1-4286/21 T.K. od 24.05.2021. godine.

**Član 2.**

Dividenda se isplaćuje dioničarima koji na dan donošenja ove Odluke budu evidentirani na listi dioničara kod Registra vrijednosnih papira u Federaciji BiH i to proporcionalno njihovom učešću u kapitalu Društva, odnosno u visini 0,15077358 KM po dionici.

**Član 3.**

Dividenda se uplaćuje dioničarima na njihove račune, otvorene kod poslovnih banaka.

Detaljno Obavještenje o isplati dividende će se objaviti na web stranici Društva, odnosno u jednim dnevnim novinama u BiH.

Dioničari koji imaju pravo na dividendu, dužni su u roku od 30 dana od dana objavljivanja Obavještenja dostaviti Društvu broj svog računa kod poslovne banke za uplatu dividende i drugu traženu dokumentaciju u skladu sa objavljenim Obavještenjem, a koja je potrebna za utvrđivanje identiteta dioničara (kao fizičkih ili pravnih lica). Dostava dokumentacije se vrši na način preciziran u Obavještenju.

Dioničarima kojima je isplaćivana dividenda za ranije godine, a koji u roku iz stava 3. ovog člana ne dostave račune za uplatu dividende ili izmjenu računa, isplata dividende će se izvršiti na račune na koje je ranije izvršena uplata dividende.

Dioničarima kojima se prvi put isplaćuje dividenda, a koji ne dostave račune za uplatu dividende u roku iz stava 3. ovog člana, Društvo neće biti u mogućnosti izvršiti uplatu dividende do dostavljanja računa.

U slučaju nedostavljanja računa za uplatu dividende, dioničari nemaju pravo potraživanja po osnovu kamate ili bilo koje druge naknade za period u kojem su sredstva bila na računima Društva.

Sve troškove transakcije isplate dividende na račun dioničara snosi JP Elektroprivreda BiH, d.d. – Sarajevo.

#### **Član 4.**

Dividenda će se isplatiti u roku od 180 dana od dana donošenja ove Odluke.

Nakon isteka roka od 180 dana, dioničarima koji nisu dostavili račun za uplatu dividende u roku iz člana 3. stav 2. ove Odluke, isplata dividende će se izvršiti u roku od 30 dana od dostavljanja računa za uplatu dividende.

#### **Član 5.**

Za realizaciju ove Odluke zadužuje se Uprava Društva.

#### **Član 6.**

Obavještenje o isplati dividende objaviće se na web stranici Društva i u jednim dnevnim novinama u BiH u roku od sedam (7) dana od dana donošenja ove Odluke na Skupštini Društva.

#### **Član 7.**

Odluka stupa na snagu danom donošenja.

Broj: SD -20745 /21-70./5.  
Sarajevo, 30.07.2021. godine

Predsjednik  
Skupštine Društva  
Jasmina Pašić

